

րէնսզէտ մարդիկ» եւ այդպիսով կազմուեալ է նահանգական կամ շրջանային դատարանը:

Բացի դատարանի անդամներէց՝ շրջանային դատարանն ունի 6 դպիր-ատենաբան եւ 3 դժաբիր, որոնց նշանակուեալ է դատարանի նախագահը: Դպիր-ատենաբանները նոյն իրաւունքներն ու պարտականութիւններն ունին նահանգական դատարանում, ինչ որ դպիր-ատենաբանները ծայրագոյն դատարանում (կա):

Դատավարութեան կարգը շրջանային դատարաններում հետեւեալն է. դանդատները գրուեալ են դպիր-ատենաբաններէց մէկն ու մէկի ձեռքով պետական թղթի վրայ — կամ ինչպէս հեղինակն է ասում — «տէրունի թղթի»*) վրայ եւ ներկայացուեալ դատարանին: Մեղադրեալը — ով ուզում է լինի — պարտաւոր է պատասխանել նրան, անպայման դրաւոր, նոյնպէս պետական թղթի վրայ: Յետոյ երկու անգամ կատարուեալ են երկու կողմերի «վիճաբանութիւնները», որից յետոյ արդէն դատարանը հանում է իր վճիռը:

Բոլոր քաղաքական, քաղաքացիական եւ այլ խնդիրների վերաբերմամբ շրջանային դատարանի տուած վճիռները ծայրագոյն դատարանի կողմից կարող են բեկման ենթարկուել, բացի քրէական գործերից, որոնց վճիռները վերջնական են: Սակայն մահուան դատապարտուած քրէական յանցաւորը իրաւունք ունի հանր. նախագահից ներումն հայցելու: Այդ դէպքում նրան ժամանակ է տրուեալ երեք ամիս: Այդ միջոցում նա շղթայակապ նստում է բանտում, մինչեւ որ նրա խնդիրը անցնում է ծայրագոյն դատարանին, այնտեղից էլ հանր. նախագահին, որը ներումը չնորհում է Ազգ. Ժողովի համաձայնութեամբ: Եթէ երեք ամսուան ընթացքում ներումը չնորհուեց, մահապարտը ազատ է արձակուեալ. հակառակ դէպքում կամ հանր. նախագահից պատասխան

չստանալու դէպքում մահուան պատիժն անմիջապէս ի կատար է ածուեալ. իսկ ներման դէպքում պաշտօնեան այլեւս չի կարող կրկին պաշտօն ստանալ, եթէ Ազ. Ժողովը նրան չվերականգնի իր իրաւունքների մէջ (նիս, միգ, միդ):

Թէ՛ շրջանային եւ թէ՛ ծայրագոյն դատարանում վճիռները կայացուեալ են ձայների պարզ մեծամասնութեամբ (միսգ) եւ յայտարարուեալ են նախագահի կամ «մայր» դատաւորի կողմից, որը ունի երկու ձայն (միսդ, միսե): Միայն քրէական գործերի վճիռները շրջանային դատարանում — ինչպէս տեսանք — յայտարարուեալ են նահանգի իշխանի կողմից:

Շրջանային դատարանը գործում է նստաշրջաններով, իսկ մանր եւ ընթացիկ գործերի համար անդամներից իւրաքանչիւրը ամսէ-ամիս հերթապահութիւն են անում եւ կոչուեալ են ամսէն դատաւոր (յծդ, յծե): Նստաշրջանների ժամանակները ճշգրտուեալ են, բացի քրէական գործերից, որոնց ժամանակները սահմանուեալ են — մարտ 21, յունիս 21, սեպտ. 21 եւ դեկտ. 21, նստաշրջանների տեւողութիւնը թողնելով դատաւորներին եւ գործերի շտուպեանը (միք):

Շատ հետաքրքրական է մասնաւորապէս քրէական դատավարութիւնը, որը կատարուել կարող է միմիայն նահանգական քաղաքներում, որովհետեւ նահանգի իշխանը անպայմանորէն ներկայ պիտի գտնուի դատավարութեանը (շդ): Դատից 5 օր առաջ, եթէ դատապարտեալը մարդասպան է, նրան ազգարարուեալ է ընտրել 12 մարդ՝ իրան դատելու համար — ինչ ազգից ուզում է լինի, միայն իրեն մերձաւոր ազգական չլինին: Դատարանի կողմից էլ ընտրուեալ են 94 հոգի «բարեգործ եւ համբաւաւոր» մարդիկ, որոնցից 70 հոգին «վասն որոնելոյ մաքրութիւն եւ կամ աղտոզութիւն մեղաւորի», իսկ մնացած 24 հոգին, որոնցից 12-ը անպայման դատապարտեալի կողմից ընտրուած, յանցաւորին դատելու համար են, նման մեր եղբուեալ ատենակալներին եւ կոչուեալ են «դատողք» (շգ, շէ):

Դատի օրը իշխանը իր խորհրդակիցներով, մի դունդ զօրքով եւ երկու դրօշակով դրնում է դատարան եւ բազմում իրեն յատկաց-

*) Հայաստանում բոլոր պաշտօնական գործառնութիւնները — պաշտօնի թուղթ, մուրհակ, զնումների վաւերաթղթեր եւն. — գրուեալ են անպայմանորէն պետական թղթի վրայ, որի նշանն է «գառն մի դրօշակաւ» (նիք):